

Baengzlwenq Myauzcuz Yungzsuij:

Ndaw Loihcuk Raemhnyumx Yienj Yiengh Gyaeundei Yinxvunz

融水苗族亮布:千捶百染 艳丽迷人

□ Lungz Dauh



Youq Yungzsuij Myauzcuz Swciyen, moix baez gvaq cietgingq roxnaeuz baebo, cungj raen baenz cien baenz fanh boux daegmbauq dahsau Myauzcuz daenj gij buhvaq ronghlwenq cangndang gyaeuget angqyangz doxcomz, riengz gij sing goksad aenvenz mbaeumbengq diuq foux yekyek, lumj bouxsien nei yienhda yinxvunz... Gij buhvaq Myauzcuz ndaej youq gwnzbiengz riuzmingz, mboujdan dwg aenvih gij yienghsik de lai yiengh, yiengjceij daegbied, dangz dinfwngz ndeireauh, engq biujyienh youq gij saek de yungh ndaej hablex, hawj vunz yawj le roxnyinh gig gyaeundei. "Baengz-lwenq" couh dwg yiengh ndei gij daegdied yungh saek cienzdoengj Myauzcuz. Bi 2014, "baengzlwenq Myauzcuz Yungzsuij" ndaej lied haeuj buek daihseiq swcigih feih vuzciz vwnzva yizcanj mingzloeg.

Yungzsuij Myauzcuz "dangzhong dinfwngz fwngz guh baengz-lwenq dienhromj" goek raez rag laeg, daj Ciuhung couh miz, gaeng 1000 lai bi lizsij lo. Dangz dinfwngz guh baengz de doenggvaq mehmbwk Myauzcuz bi doek bi bae guh, bouj gajj ndaej caezcien, baenz le dauq dangzhong dinghmaenh ndeu. Baengzlwenq gyamqhoengz caeuq baengzlwenq dienhromj dwg song cungj baengz nyibguh buh Myauzcuz yungh lai ndeu. Guh song cungj baengz neix yaek ginggvaq nyumx, saeg, dak, loih, cat daengj lai dangq hong cij guh ndaej. Ndujdaez mehmbwk Myauzcuz aeu gij faiq gag naem haenx ma laenz mae, geuj baenz gyoengzmae, yienzhaeuh aeu aen daemjrok daemj baenz baengz-

hau. Riengzlaeng couh daengz dangzhong saeg nyumx fukcab saeq-naeh haenx: Daih' it, dawz goromj cimq roengz gangraemx, ciuq gonq-laeng gya hoiseng, raemxdaeuh (gij raemx aeu ganjriengz haeuxcid coemh baenz daeuh cimq raemx daih nyaq ok), laeujvan haeuxcid, gyaux-yinz guh baenz raemxnyumx dienhromj. Daihngaih, saeg nyumx. Nyumx baengz aeu ginggvaq "cib nyumx cib saeg cib loih", "song cimq", "song cat", "song naengj", "gya saek": Dawz baengzhau cimq dumz le, dwk roengz doengnyumx cimq 30 faen cung, rauz okdaeuq saeg seuq, dak hawq; yienzhaeuh dawz baengz-nyumx cuengq youq gwnz benjrin aeu sakfaex mbouj dingz dwk loihcuk, baenzneix fanfuk cib baez; "song cimq" dwg aeu gauvaiz aeuq raemx cimq baengz song baez; "song cat" dwg aeu gaiqcat bwnbit gag guh nyub haux gyaeqgaeq cat baengznyumx song baez; "song naengj" dwg aeu aencaengq dawz baengznyumx naengj unq song baez; "gya saek" dwg aeu gij raemx gomaenzbya



▲ Mehmbwk naihsim dwk aeu haux gyaeqgaeq cat baengz-nyumx.



▲ Nyumx baenz yienghneix couh ndaej nyib guh buhvaq lo.

◀ Ndangdaenj yienghsik ndei yawj.



▲ Mehmbwk youq ndaw dah saeg baengznyumx.



▲ Mehmbwk loihcuk baengznyumx.



▲ Saimbkw daenj buhvaq baengzlwenq angq diuq foux.



▲ Mehmbwk nyib guh buhvaq caeuq diuzvunj baengzlwenq.



▲ Mehmbwk maeuq henz cauq naengj baengznyumx.

► Mehmbwk nyaengq dak baengznyumx.